

Almanya

Quelle und Übersetzung: www.bap.de

1) Uss Anatolien kohme, uss Kozan, vüür circa fuffzehn Johr,
ahn 'nem naßkahle Februarohvend ahn. Hä dä nie wigger wohr
als bess Adana - usser domohls beim Militär,
als'e noh Trabzon moht, ahn't Schwaaze Meer.
"Almanya" heeß och do dat Zauberwoot, doch eez drei Kinder späder kohme her.

Refrain:

Almanya - Traumziel, Märchenland.
Almanya - domohls wohrs du noch unbekannt.

2) En feuchte Bruchbuud un 'ne Tiefbaujob, un immer'm Eng vum Mohnd
die Überweisung heim un en Veedelstund
beim blonde Frollein, dat er dofür belohnt hätt.
Dausendundein Naach besse'se nohholt,
sing Frau un sing Kinder, die en nimieh erkannt hann.
Jet späder dann die Frooch vum äldste Sonn,
wieso se'n en der Schull "Kanake" jenannt hann.

- Refrain -

3) Et jing lang joot, trotz Sprüch un Hookekrüzze, die'e zo spät für voll nohm.
Die'e erkannt hätt als Ihßbirchspetze, eez wie'n dä Naach de "Schmier" kohm
un Ahmed braat, dä stolzer als Papa. Blootöverströmt - et heeß, er hätt
sechs junge Deutsche en der Bahn bedroht - "grundlos" - met 'nem Stilett.

- Refrain-

4) En Anatolien, en Kozan, hann fünf entlossne Sklave
erömmjeschubbste wieße "Nigger" - 'ne Draum vum Märchenland bejravve.
Nä, dat kann wirklich keine Zofall sinn, dat sich "Dichter un Denker"
su erschreckend joot reimt - immer noch - op "Richter un Henker".